

增修詩話總龜

二

百家詩話總龜後集目錄

後山詩話

金坡遺事

藝苑雌黃

復齋錄

韻語陽秋

葛常之詩話

桐江詩話

聞見錄

胡氏詩話

擊壤集

橫渠集

晦庵詩集

易學辯惑

學林新編

王直方詩話

杜詩正異

東坡集

正蒙書

呂氏童蒙訓

隱居詩話

臨川集

蔡寬夫詩話

黃常明詩話

東萊文集

文正公目錄

湘素雜記

西清詩話

閩川名士傳

高齋詩話

許彥周詩話

上蔡語錄

南山文集

呂氏家塾記

漫叟詩話

雪浪齋日記

朱子京筆記

山谷集

澠水燕談

迂叟詩話

冷齋夜話

三山語錄

林和集語錄

倦游雜錄

遊齋閑覽

三山老人語錄

唐子西記

東泉雜錄

古今詞話

侍兒小名錄

高道傳

回仙錄

東觀餘論

昭君圖叙

江南錄

僧寶傳

塵史

靈寶語錄

唐語林

四六談塵

元城語錄

淮海集

陳輔之詩話

文昌雜錄

東齋記事

劉禹錫嘉話

上座錄

夷白堂小集

阮戶部詩

龍川畧志

異聞錄

今是堂手錄

太平廣記

雲齋廣錄

洪駒父詩話

山谷王梵志

集古錄記

陳了齋集

寄齋錄

樂府解題

程氏遺書

六朝事迹

百家詩話總龜後集目錄

百家詩話總龜後集門類

聖製門 一卷

御燕門 一卷

忠義門 二卷

孝義門 四卷

仁愛門 五卷

幼敏門 五卷

述志門 五卷

諷諭門 六卷

達理門 七卷

狂放門 九卷

稱薦門 九卷

評論門 九卷

評論門 十一卷

評論門 十三卷

評史門 十五卷

評史門 十七卷

正訛門 十八卷

恬退門 十九卷

句法門 二十卷

留題門 二十一卷

故事門 二十一卷

廣歌門 一卷

榮遇門 一卷

孝義門 三卷

宗族門 四卷

友義門 五卷

志氣門 五卷

求意門 五卷

達理門 六卷

傳識門 八卷

稱賞門 九卷

投獻門 九卷

評論門 十卷

評論門 十二卷

評史門 十四卷

評史門 十六卷

辯疑門 十八卷

隱逸門 十九卷

警句門 二十卷

苦吟門 二十卷

寄贈門 二十二卷

書事門 二十一卷

感事門

紀實門 二十三卷

押韻門

節候門 二十六卷

詠物門 二十八卷

詠茶門 三十卷

詩病門

樂府門 三十二卷

樂府門 三十三卷

傷悼門 三十五卷

遊宴門 三十五卷

譏諷門 三十七卷

詠諧門

神仙門 四十卷

鬼神門 四十二卷

釋氏門 四十四卷

釋氏門 四十六卷

麗人門 四十八卷

器用門

拾遺門

用事門 二十二卷

用字門 二十四卷

做法門 二十五卷

詠物門 二十七卷

詠茶門 二十九卷

格致門 三十一卷

佛法門

樂府門 三十二卷

傷悼門 三十四卷

寓情門 三十五卷

怨嗟門 三十六卷

箴規門 三十八卷

神仙門 三十九卷

歌詠門

釋氏門 四十三卷

釋氏門 四十五卷

麗人門 四十七卷

飲食門 四十九卷

技藝門 五十卷

百家詩話總龜後集門類

百家詩話總龜後集卷之一

已集

皇明宗室

月窓道人刊

鄱陽平梧程琬舜用校

御製

王師圖金陵唐使徐鉉來朝鉉伐其能欲以口舌解圍謂盛稱

其主博學多藝有聖人之能使謂其詩曰秋月之篇天下誦

傳之其句云太祖笑曰寒士語耳吾不道也鉉曰不服謂

大言無實可窮也以請殺上驚懼相目太祖曰吾微時自

秦中歸道華醉卧田間覺而月出有句曰未離海底千

山黑統到天中萬國明鉉大驚殿上稱壽後山詩話

故事進士期集常擇榜中最年少者為探花郎熙寧中始

罷之太平興國三年胡秘監登榜為文懿探花是歲登第

七十四人太宗以詩賜之曰二十客裏成事七十四人中

少年始唐以禮部放榜故座主所生之札特盛主司因得竊市

私息上稍筆筆其弊既更遂試前一歲呂文穆公蒙正為狀頭

始賜以詩蓋示以優寵之意至是後賜文懿然狀頭詩至今詩有

探花詩後無繼者惟文懿一人而已最為科舉之盛事也

太平興國七年十二月十七日大雪御製雪詩并酒賜學士詩云輕

輕相垂疑如酥宮樹花粧萬萬株今賜酒鄉時盡玉堂聞謔道

情無及御製五七言詩賜蘇易簡五言詩曰翰林承旨貴清涼臺市

應用威儀深若此更索歸家思值日內集英儒指問生盛高明大化

雄七言詩曰運偶昌時速更深果然穀在我中心從風

臣優光朝野此日清華見翰林舉措樂時周礼法恩賢

教古善規箴少年學士文明世一寸賢毫數萬尋

石林詩話楊文公在翰林去職真宗眷之不衷即起為

郡未幾復以判秘書監召既到關以詩賜之曰瑣闥仕

年司制誥共嘉藻思類相如蓬山昔日詮增吏更仰芳

聞過仲舒報政列城崑觀後疏思高閣拜官初諸生濟

齊玆瞻望松楸咨詢辨魯魚祖宗愛惜人才保全忠孝

之意如此

大中祥符五年楊億為學士李夏被疾至十月方赴朝參

具狀稱謝御筆狀尾批七言二韻詩賜之詩云承明

迹侍宸儒玄苦學勞心疾已痊善保吳君調飲食副予

前席待名貴

大中祥符二年春真宗御製詩賜知貢舉晁迥云禮闈

選士古稱難都為陞沉咫尺間較藝清時公道在掄材

應得惠人寰五年二月又製詩賜知貢舉晁迥云盛時

選士貢闈開殿宇聞風獻藝求心似權衡求實効勿教

蓬華有遺才

天禧三年正月九日盛惟演承明殿面奉知舉真宗御

製詩并序云卜賢能之多士允協盛歡資從之洪儒書

伸藻鑑期申戒業用示篇章詩云寅奉昌圖紹慶基選

倫多士叶前規鄉閭薦拔期無濫草澤搜羅望有遺德

舉况逢全盛日計偕咸造廣場時春官任職當求善宗伯掄材務得宜侍從名儒當委任茲受文公道韓妍姪行伸衡鑑裁深念允協菁莪樂育詩金波遺事

二月十八日將放文賜詩并序序云詳延造士允叶於盛猷乃春儒臣式分於重寄論秀才臻於顯効當官脩著於純誠詩云四海為家室緒隆愛求文雅振儒風命鄉隨計來多士較藝掄材有澤宮替綏近臣當顯任絲綸深旨論丹表肝膺汲汲予存念夙夜孜孜尔徇公名實豈惟衡鑑內賢能甘萃網羅中佇觀翹楚登時用布政分憂協庶功同上

真宗賦御溝柳詩今宰相兩省和進陳執中詩曰一度春來一度新翠光長得照龍津君王自愛天然態恨殺昭陽學舞人其詩最尤者西朝室訓

神宗遵太祖遺意聚積金帛成帑自製四言詩一章云五季失圖儉狃孔熾藝祖造邦意有懲艾爰設內府基以募士曾孫保之敢忘厥志每庫以一字目之又別置詩二十字分揭其上曰每度夕惕心妄意遵遺業登予不武資何以成我捷後來所謂御前封樁庫者也上意用此以為開拓西北境土之資始命王詔克書唐然後欲經理銀夏復取鞏雲元豐五年徐禧求洛岫師之後帝心弛矣林安路陵遺事云

前輩云詩有奪脂換骨之說信有之也杜陵謁玄元廟其

一聯云五聖聯龍袞秋風折鴈行亦以鴈行對龍袞然語中的其親切過於本詩茲不謂之奪脂可乎不然則徒用前人之語殊不足貴且如沈佺期云小池殘暑退高樹早涼歸非不佳也然正用柳惲太液微波起長楊高樹秋之句耳蘇子云峽東滄淵深貯月叢排紅樹巧粧秋非不佳也然正用杜陵峽東滄江起若排石樹圓之句耳語雖工而無別也藝苑雌黃

光堯初幸錢塘有詩云六龍轉淮海萬騎臨吳津王者本無外駕言蘇遠民瞻彼草木秀感此瘡痍新登堂望稽山懷哉大禹勤大哉之言布於天下漢祖大風之歌唐宗勁草之句不足道也詩說雋永

賡歌門

東萊恭和皇帝幸秘書詩麟閣龍旂日月章中興再見緒袍光仰觀煥耀人文盛始識扶持德意長功利從今早當晏浮華自昔陋虛王願求實學醇

天造肯効明河織女襄文集

御燕門

嘉祐七年冬宴近臣于群玉殿英宗以皇子預坐在舍人待制之後岐公詩云翠輦生香容虎蹕黃金鑰慈看揮毫介甫云何不言翠玉紫輿岐公改之以進復齋設鐸神廟時經月每夕有赤氣見西北隅如火至人定乃滅人以為皇子生之祥故禹王作太燕樂詞云未晚清風生

殿閣經旬赤氣照乾坤未幾皇子生大燕群臣於集英殿文正公

榮遇門

蘇軾政易簡取開封解時宋尚書曰為試官是歲狀頭登第後十年白為翰林學士易簡以繼召人故易簡贈白詩云天子昔取士先後分妍媸濟濟俊華秀師麟與寫小子最承知同輩尋改觀甲等叨薦名高飛便凌煙遂使拜宸坐果得超神仙迄今總七歲相接秉華軒慶曆二年歐陽文忠公為別頭試官王文恭公預薦至嘉祐初文忠在北門文恭亦同院仍同知貢奉故文恭詩有十五年前門下客最榮今日預東堂之句座主門生同列固儒者盛事而王堂允天下文學之極選國朝以來惟此二人前此所未有也蔡寬夫詩話

嘉祐二年余與端明韓子華翰林王禹玉侍讀范景仁龍圖梅公儀同知礼部貢奉辟梅聖俞為小試官凡鏤院五十日六人者相與唱和為古律歌詩一百七十餘篇集為三卷禹玉余為校理時武成王廟所解進士也至此新入翰林與余同院又同知貢奉故禹玉贈余云十五年前出門下最榮今日預東堂余答云昔時叨出武成宮曾看揮毫氣吐虹寧寐閑思十年事笑談今日一樽同喜君新賜黃金帶願我今為白髮翁也天聖中余舉進士國子南省皆忝第一人薦名其後景仁相繼亦

然故景仁贈余云淡墨題名第一人孤生何幸繼前塵也聖俞自天聖中與為詩友余嘗贈云猶喜共量天下士亦勝東野亦勝韓而子華筆力豪贍公儀文思溫雅而敏捷皆勛敵也前此有南省試官者多窘束條制不少放懷余六人者儼然相得胖居終日長篇險韻衆製交作筆吏疲於寫錄僅更奔走往來間以滑稽嘲諷加於風刺更相酬酢往往哄堂絕倒自謂一時盛事此前未之有也歸田錄

百家詩話總龜後集卷之一

百家詩話總後集卷之二

忠義門

世人論淵明自宋初以後不稱年號祇稱甲子與思悅所論不同觀淵明讀史九章其間皆有深意其大章章者如夷齊箕子魯三儒三篇夷齊云天下革命絕景窮居正風交俗委感懦夫箕子云去鄉之感猶有遲矧伊代謝觸物皆非魯三儒云易代隨時迷變則愚介介若人特為正夫由是觀之則淵明委身蓬蒿甘黜妾之貧而不自悔者豈非以取事二姓而然也葛常之

子美詩雖有古殿存世尊亦蒙埃山僧衣藍縷告訴棟梁摧本即所賦自然及於乘輿蒙塵股肱非材之意忠義所激一飯不忘君邪黃常明

明宗召蜀中舊臣賦蜀主降臣唐詩王偕等說甚淫拙中丞牛希濟曰唐主再懸新日月蜀主唯保舊山川明宗曰希濟不忘君親忠孝也賜百段余謂希濟但能兩解之辭而已江革云不能殺身報主得死為幸誓不為人執筆此可以厲臣子之節碧溪

詩人比雨如絲如膏之類甚多至杜牧乃以羽林鎗為比恐未及其形似念昔遊雲門寺外逢猛雨林黑山高雨脚長曾奉郊宮為近侍分明懣懣羽林鎗大雨行云四面明騰王京仗萬里橫互羽林鎗豈云國壞斷之情不能忘雞翔豹尾耶丹楊集

柳遷南荒有云愁向公廷問重譯欲投章甫作文身太白云我似鸛鵒鳥南遷懶北飛皆偏伎躁辭非賦畝倦倦之義杜詩云為唐雖脫達終覲在皇都愁來有江水焉得北之朝其賦張曲江云歸老守故林戀闕情延頸乃心王室可知黃常明

世俗誇太白賜來調羹為榮力士脫靴為勇愚觀唐宗果於白豈真樂道下賢者哉其意急得艷詞媒語以悅嬾人耳白之論撰亦不過玉樓金殿驚鸞翡翠等語社稷蒼生何賴就使滑稽傲世然東方生不忘納諫况黃屋既為之屈乎說者以謀謖潛密歷考全集愛國憂民之心如子美語一何鮮也力士閹閹腐庸惟恐不當人主意挾主勢駭之何所不可脫靴乃其取也自退之為蚍蜉撼大樹之喻遂使後學吞聲余竊謂如論其文章豪逸真一代偉人如論其心術事策可施廊廟李杜齊名真不竊也碧溪

汲長孺段太尉皆義勇奮不顧身之人至於仁愛撫養矜矜惻惻無所不至所謂剛者必仁仁者必勇也嘗觀樂天云况多剛猶性難與世同應希文云吾生豈不幸所稟多剛腸皆心中語也白則有敢辭為俗吏且欲活疲民又云心中有念農桑苦耳裏如聞飢凍聲范有寸懷如春風思與天下共赴姑蘇云豈辭雲水三千里由濟瘡痍十萬民與汲段正相似黃常明

靈徹有相逢盡道休官去林下何曾見一人世傳為口實
凡語及抽簪即以此譏之余謂矯飾固人固不足論若
出於至誠時對知己一吐心胃何害觀昌黎送盤谷云
行拙手校付丞相不待彈劾歸農桑贈侯喜便當提携
妻與子南入箕無還時如今便當去咄咄無目如
今更誰恨可使耕瀟瀟此類凡數十篇皆以餬口於其
剛勁之操不少屈所字素定故也 君澤

永叔嘗試謁執政坐中賦雪詩云主人與國共憂感豈惟

喜悅將豐登須冷鐵甲冷徹骨四十餘萬屯邊兵當時
乃謂唐韓退之亦能道言語其預裴晉公宴會但云園
林窮勝事鐘鼓樂清時不曾如此作閑殊不知老杜一

言一詠未曾不在於憂國恤人物我之際則淡然無著
夏日歎曰浩蕩想幽薊王師安在哉夏夜歎曰念我荷

戈士窮年守邊疆此仁人君子之用心終食不可忘也

邊兵之語豈為過哉如退之始知神官未賢聖護短憑

愚要我敬雪徑抵撫更風廊折談僧真作閑詩也 若漢

余觀楚國先賢傳言汝南應璩作百一詩譏切時事編以

示任事者皆怪悞以為應從奔之及觀文選所載璩百

一篇畧不及時事何耶又觀郭茂倩雜詩載百一詩

五篇皆璩所作首篇言馬千侯聯音律而以陌上桑為

風行雅二篇傷鬻桑三老元以妻妻子而已無宣孟之

德可以開其急三篇言老人自知桑榆之景斗酒自勞

不肯為子孫積財末篇即文選所載是也第四篇似有
風諫所謂苟欲娛耳目快心樂腹朕我躬不悅惟安能
慮死亡此豈非所謂應焚弃之詩乎方是時曹爽事多
違法而璩為喪長史切諫其失如此所謂百一者無幾
百分有一補於爽也而爽卒不悟以及於既或謂以百
言為一篇者以字數而言也或謂百者教之終一者數
之始士有百行終始如一者以士行而言也然甘穿鑿
之說何足論哉後何遜亦有擬百一解所謂靈輒因桑
下於陵拾李蠶其詩一百十字恐出於或者之說然璩
詩每篇字數各不同第不過四十字爾 丹楊集

杜扁丹空老去無補聖明朝又云報主心已老以稷勢輩
人而使老矣閑曠非唯不形怨望且倦倦如此彼遭時
過主言計從復幸年登未暮而不能據誠戮力以圖

報效良不愧此歟 若漢

明朝有封事教問夜如何此幸而得之坐以待旦之意避

人焚諫草騎馬欲難栖所謂嘉謀嘉猷入告爾后于外

曰斯謀斯猷惟我后之德也 黃常明

一朝自罪已萬里車書通此與無逸旅藝孟子格君心之

非汲長孺諫上多愆魏鄭公十漸陸宣公之奉天詔書

無二道也 同上

昌黎云詣闕三上書臣非黃冠師臣有膽與氣不忍死茅
茨常應物送李山人云聖朝多遺逸拔胆謁至尊豈是

俞寵榮誓將救元元聖俞贈師魯云臣豈為身謀而邀陛下睨皆急於得君非為利祿計也目上

杜詩公若登台輔臨危莫愛身寄裴道州蘇侍御云致君堯舜付君年卑據要路思捐軀此公素所蓄積而未及施設者故樂以語人耳夫全軀碌碌之臣果何能為及長孺云天子置公卿寧今從諛承意縱愛身奈辱朝廷何仕退曰褚考回保妻子愛性命避能制之觀此以驗二詩信有証矣自比稷契豈為過哉岑侍御行軍詩平生抱忠義不敢私微軀范文正公云一入諫諍司鴻毛忽其身君漢

世人喜于美造次不忘君嘗觀其祖審言除夜云還將萬億壽更謁九重城則教忠之家風舊矣

張堯佐以進士擢第累官至屯田員外郎知開州會其姪女有寵於仁宗冊為脩媛堯佐遂驥遷擢一日中除

宣徽節度景靈群牧四使是時御史唐介上疏引大寶揚國忠為戒不報又與諫官包拯等七人論列殿

上既而御史中丞番百官班欲以廷諍卒奪堯佐宣徽景靈兩使特加介一品服以旌敢言未幾堯佐復除宣

徽使知河陽唐謂同列曰是欲與宣徽而假河陽為名耳我曹豈可中已邪同列依違不前唐獨爭之不能奪

仁宗諭曰差除自是中書介遂極言宰相文彥博以燈籠錦綉貴妃而致位宰相今又以宣徽使結堯佐請逐

彥博而相富弼又言諫官觀望揆姦而言涉宮掖語甚切直仁宗怒趣召兩府以疏示之介猶諍不已樞密副使梁燾叱介使下殿介諍愈切仁宗大怒玉音甚厲衆恐樞密出不測是時蔡襄脩起居注立殿陛即進曰介誠狂直然納諫容言人主之美德必望全賢遂貶青州別駕翊日御史中丞王舉正救辭之改為英州別駕始上怒未已兩府竊議曰必重貶介則彥博不安彥博去即吾屬遞遷矣既而果如其料當是時梅堯臣作書窺詩曰皇祐辛卯冬十月十九日御史唐子方老言初造膝曰朝有巨姦臣介所憤疾願條一二事臣敢去率宰相文彥博邪行世莫匹曩時守成都李曲媚貴驕銀瑤挿左貂窮臘使馳駟邦媛得奪修中金齋十鑑為我寄使君奇文織織密達傾西蜀巧日夜擊鞭扑紅絛緯金錢排科間八七比比雙蓮華華燈戴呈出幾日成一端持行如鬼疾明年觀上元被服提袂賢樂然上目遽尔有薄語既聞所從求候對似未失且云奉至尊於妾豈能必遂回天子顏百事容丐乞臣今得粗陳伎猾彼非一偷威與實利次第推甲乙是惟陰猾雄仁斷宜勇熱必欲致太平在列無如弼弼亦昧平生况臣不阿屈臣言天下公奚以身自卹君旁有側目嗜啞橫詆叱指言為罔上廢汝還蓬華是時白此心尚不避斧鑕雖令禦魑魅甘且同飴蜜既知弗可悞援以強詞室

帝聲亦大厲論奏不容畢介也容甚開猛士胆爲慄立
貶海外春遠欲爲異物内外官恟恟陛下何米悉即敢
救者誰襄執左右筆謂尚不容盛美有所弗平明中執
法懷疏又堅述介言或似強百豈无一實恐傷四海和
幸勿苦倉卒亟許遷英山衢路猶嗟咄咄日宜白麻稱
快口盟蓋阿附連諫官去若壞絮氣其間因獲利竊笑
等蛇鵠英州五十里瘦馬行駭駭毒蛇噴曉霧晝與
嵐氣沒妻孥不同途風浪過蛟窟存亡未可知雨館愁
傷骨飢僕時後先隨綠拾橡栗與林多敵天黃柑雜丹
橘萬室通醪酤撫遠無禁律醉去不須錢醒來弄鳴瑟
山水仍奇怪已可消憂鬱莫作楚大夫懷沙自沉汨西

漢梅子真出爲吳市卒市卒且不慚况茲別乘扶始竟
臣作此詩不敢示人及歐陽脩爲編其集時有嫌避又
削去此詩是以少人知者故今全錄焉

東軒筆錄

鄭谷與僧齊已黃輿等共定今体詩格云凡詩用韻有數

格一曰葫蘆二曰轆轤一曰進退葫蘆韻者先二後四

轆轤韻者雙出雙入進退韻者一進一退失此則錄矣

余按倦遊雜錄載唐介爲臺官廷疏宰相之失

仁甫

怒謫英州別駕朝中士大夫以詩送行者頗衆獨李師

中待制一篇爲人傳誦詩曰孤忠自許衆不與獨立敢

言人所難去國一身輕似葉高名千古重於山並遊英

俊頽何厚未死姦諛骨已寒天爲吾君扶社稷肯教失

子不生還此正所謂進退韻格也按韻畧難字第二十
五山字第二十七寒字又在二十五而還又在二十七
一進一退誠合轆轤格豈率爾而爲之哉近聞冷齋夜話
載當時唐李對答語言乃以此詩爲落韻詩蓋渠伊不
見鄭谷所定詩格有進退之說而妄爲云云也

東軒雜記

唐介始彈張堯佐諫官皆上疏及彈文彥博則吳奎畏縮

不前當時謂拽動陣脚及唐爭論於上前遂并及奎之

背約執政又黜奎而文路公益不安遂罷政事時李師

中詩送唐有並遊英俊頽何厚未死姦諛骨已寒之句

爲奎發也

東軒

百家詩話總龜後集卷之二

百家詩話總龜後集卷之三

孝義門

徐師川詩云楚漢紛爭辨士憂東歸那復割鴻溝鄭君立義不名籍項伯胡顏肯姓劉謂項伯籍之近族乃附割而背項鄭君以爲漢臣乃違漢而思楚也余嘗論之曰方劉項之勢雌雄未決也其間豈無容容狡詐之士首鼠兩端以觀成敗而爲身謀者乎項伯是也其意以謂項氏得天下則吾嘗以宗族從軍畫策定計豈意廢哉劉氏得天下則鴻門之會吾嘗舞劍以蔽沛公矣奮武之會吾嘗勸勿烹太公矣劉氏豈雪發哉高祖之封項伯殆以此也至鄭君則不然事藉藉死屬漢高祖諸故楚臣名籍鄭君獨不奉詔乃盡拜名籍者爲大夫而逐鄭君觀此則鄭君與項伯賢倭可見高祖或遂或封皆徇情之好惡則知戮丁公者一時矯激之爲也王儉七志曰宋高祖遊張良廟並命僚佐賦詩謝瞻所賦冠于一時今載於文選者是也其曰鴻門銷簿鉅陰下墮拱槍爵仇建蕭宰定都護儲皇肇允契幽叟飜飛指帝鄉則子房輔漢之策盡於此數語矣王荊公云素書一卷天與之穀城黃石非吾師固陵解鞍聊出口捕取項羽如嬰兒從來四皓招不得爲我立弃商山芝用亦此數事而論議格調出瞻數等東坡論子房袖搥之事以謂良不爲伊呂之謀而特出於荊軻聶政之計以余觀

之此良少年之銳氣未足以咎良也圯上授書之後所見豈前比哉葛常之

予曾祖通議兄弟四人取良辰美景賞心樂事之義作四并堂于東園故通議詩云華園控弦秋學射寒窗留燭夜抄書良辰美景饒心事歡日相并樂起于先祖清莘公兄弟六人取三荊同林之義作培荊亭于西園當時篇詠無存者清孝安遇集中有培荊亭記其畧云西園推輪無亭觀之玩伯兄欲糾合叔季同耳目之適於是基盈尺之高宏一筵之廣列楹爲亭號曰培荊至先人文康公罷官南陽適當兵擾復還舊棲奉伯父工部居焉別建二老堂于宅南秦望由里諸山皆在目植花竹于四隅命某日治饌往往樂飲竟日某嘗賦詩云去家纔隔水一股二老堂成三百弓鵲原暮下秋水暖鴈行夜落霜天空竹根酌酒不妨醉花萼斲詩如許工坐久興闌筇竹杖出門人指兩仙翁同上

月輪當空天下之所共視故謝莊有隔千里共明月之句蓋言人雖異處而月則同瞻矣老杜當兵戈騷屑之際與其妻各居一方自人情觀之豈能免閨門之念而他詩未嘗一及之至於明月之夕則遐想長思屢形詩什月夜詩云今夜鄜州月閨中只獨看繼之曰香霧雲鬟濕清輝玉臂寒二百五日夜對月去無家對寒食有淚如金波繼之曰此離放紅藥想像頓青蛾江月詩云

江月光於水高樓思殺人繼之曰誰家排錦字燭滅翠眉頻其數致意蘭門如此其亦謝莊之意乎顧延之對孝武乃有莊始知隔千里兮共明月之說是莊才情到慶延之未能曉也同上

魏武於諸子中獨愛植丁儀丁廙楊脩之徒為植羽翼代太子王而植任性不自雕勵又太子御之有術故易宗之計不行蓋非植遜不也洎文帝即位植屢求試用不報益怏怏帝欲害之下太后曰汝已殺任城不得復殺東阿故止從貶爵則植豈無怨乎嘗觀植所作豫章行云他人雖同盟骨肉天性然周公穆康叔管蔡則流言子臧孫干秉季札慕其賢意謂已素為武帝所愛忌之者故衆有管蔡流言之說然乃自以季札為比亦誣矣豈其掠美之言哉同上

晉嵇康贈弟秀才四言詩云感悟馳情思我所欽則以所欽為弟陸機贈從兄車騎詩云寤寐靡安豫願言思所欽則以所欽為兄又贈馮文龍詩云慷慨誰為感願言懷所欽則以所欽為友

陸機作詩贈賈謐幾三百言無非極其衷讚方謐用事生死榮辱人如反覆手其衷讚亦何足怪然其間亦有寄意譏誚人未能推其意者按臧榮緒晉書謐父韓壽母賈充少女也充平生不議立後妻郭槐轉以外孫韓謐襲封帝計之遂以謐為晉公則是賈謐非充子也故機

詩云誕育洪胄纂我于魯言誕育則以譏非已生也又曰惟漢有木曾不踰境謂橘踰淮則化為枳言如螟蛉之化蜾蠃無異也夫謐勢焰薰灼如此而機敢為度詞以狎侮之真文人之習氣歟

王福時之子勗勗勗皆有才名故杜易簡稱為三珠樹其後勗勗勗又皆以文顯勗於兄弟之間極友愛自鄉還號詩云人生忽如寄骨肉知何常願及百年內花萼常相將無使棠棣廢駸駸人無良觀此語意豈兄弟有不相能者耶又觀誠功勗云欲不可緩年不可常勿輕小忿將成大殃此二人者似非處於禮義之域者棠棣廢之語疑為此二人設也同上

楊六尚書白樂天妻兄也初除東川鄧度代奉賀兄云覓得黔婁為妹婿可能寄蜀茶來之寒食寄詩云雲旗似火行隨馬蜀妓如花坐遶身不便黔婁夫婦看誇張富貴向何人皆貴望之言也同上

文選載嵇叔夜贈秀才入軍詩李善注謂兄喜秀才入軍而張銑謂叔夜弟不知其名考五詩或曰携我好仇或曰恩我良朋或曰佳人不在于皆非兄弟之稱善銑所注恐未必然爾同上

錢起題杜牧林亭詩云不須姚小隱南阮在平津南阮謂杜倬也史載倬更歷將相而牧困蹢不自振快快不平以至於卒嘗爾以牧之豈肯受其料理哉然宗族貴官

河潤者非一枯苑升沉時命存焉何至怏怏如是可以知牧之量不宏也

李義山作驕兒詩時衣師方三四歲爾其末乃云兒應勿學耶讀書求甲乙况今西與北羗戎正狂悖兒當速成大探雛入虎窟當爲萬戶侯勿守一經表矣連旣結生民塗炭以日爲歲之時而乃望三四歲兒立功於二十年後所謂俟河之清人壽幾何者也同上

陶淵明命子篇則曰夙興夜寐願爾之才爾之不才亦已焉哉其實子篇則曰雖有五男兒總不好紙筆天運苟如此且進杯中物告儼等數則曰鮑叔管仲同財無猜歸生伍舉班荆道舊而况同父之人哉則淵明之子未必賢也故杜子美論之曰有子賢與愚何其掛懷抱然子美於諸子亦未爲忘情者子美遠與詩云驥子好男兒前年學語時世亂憐渠小家貧仰母慈又憶幼兒詩云別離經節換聰慧與誰論憶渠愁只睡灸背俯睛軒得家書云熊兒幸無恙驥子最憐渠元日示宗武云汝啼吾手戰觀此教詩於諸子鍾情尤甚於淵明矣山谷乃云杜子美困於三蜀蓋爲不知者詬病以爲誑於生事又往往談宗武失學故寄之淵明爾俗人不知便爲譏病所謂癡人面前不得說夢也同上

百家詩話總龜後集卷之三

百家詩話總龜後集卷之四

李義山

唐人與親別而復歸謂之拜家慶盧象詩云上堂家慶畢顧與親思邇孟浩然詩云明朝拜家慶須著老萊衣舊常之

荆公初去臨川詩云馬頭西去淡雲襟一望親庭更苦心已覺省煩非仲叔安能養志似曾參赴調西笑時詩也非仲叔則自傷不能養口幹不如曾參則自傷不能養志也人士一官所驅乃爾爲志亦豈得已哉後又有詩云古人一日養不以三公換正爲此爾舊常之

張劍州以太夫人喪劍州歸荆公予之詩并示女弟云烏辭反哺顛毛黑烏引思歸口舌丹又有張劍州至劍一日以親憂罷詩云白頭反哺泰烏側流血思歸蜀鳥前所賦皆一時之事而語意重複如此何耶同上

陳繹奉親至孝嘗作度老堂以娛其母介甫贈之詩云種竹常疑出冬筍開池故合涌寒泉益不獨詠堂前景物而孝感之事實爲焉出冬筍暗用孟宗事涌寒泉暗用姜詩事同上

王推川調官京師母老留鼎州父不歸侍嘗閱貴人歌舞有詩云畫堂玉珮繁雲響不及苑源欵乃歌山谷次韻諷之曰慈母每占烏鵲喜家人應賦履多歌可謂盡朋友責善之義谷至孝奉母安康君至爲親游廟喻說中

裾未嘗頃刻不供子職洎貶黔南不能與親俱則贈王郎詩云晉我左右手奉承白髮親至賴上食蓮有感則曰蓮實大如指分甘念母慈亦可見其孝誠矣余聞無瑕者可以戮人則其告稚川之語未爲過也老杜送李舟詩非不歸重而其中亦不能無譏焉所謂舟也衣彩衣告我欲遠適倚門固有望獻衣就行役南登吟白華已見楚山碧何時太夫人堂上會親戚豈非譏其無方之遊耶孔子云父母在不遠遊遊必有方則山谷少陵之詩皆孔子之意也

人之事親當以敬爲主故孔子告子游曰至於犬馬皆能有養不敬何以別乎東晉作補亡詩於南陔白華二篇每以爲言南陔曰養隆敬薄惟禽之似白華曰竭誠盡敬寧寧忘劬可謂得孔子之旨矣今之人恃親之愛已而忘其敬者多故表而出之以爲事親之戒同上

李白樂府三卷於三綱五常之道教致意焉慮君臣之義不篤也則有君道曲一篇所謂軒后夔牙常先太山稽如心之使臂小曰鴻翼於美吾劉焉魚水二慮父子之義不篤也則有東海覓婦之篇所謂孝子兒詔獄漢主爲綬紫津妾一棹歌脫父於嚴刑生子若不肖不如一女英慮兄弟之義不篤也則有上雷田之篇所謂田氏倉卒骨肉分青天白日摧紫荆交柯之木本同形東枝顛賴西枝榮无心之物尚如此參商胡乃尋天兵慮朋

友之義不篤也則有篋履誦之篇所謂貴賤交結心不獲惟有嚴陵及光武輕言託朋友對面九疑峯管鮑久已死何人緼其聚慮夫婦之情不篤也則有雙燕離之篇所謂雙燕後雙燕雙飛令人羨玉樓珠閣不獨接金窓繡戶長相見徐寃自行事亦豈純於行義者哉永王之叛白不能潔身而去於君臣之義爲如何既合于劉又合于魯又要于宋又携昭陽金陵之妓於夫婦之義爲如何至於友人路亡白爲權定及其廢潰又收其骨則朋友之義庶幾矣送蕭十一之魯兼問稚子伯禽有高堂倚門望伯魚魯中正是越處慶君行既識伯禽子應駕小車騎白羊之句則父子之義庶幾矣如弟凝錡儕况館各贈詩以致其離睦之情則兄弟之義庶幾矣惜乎二失既彰三笑莫贖此所以不能爲醇儒也韻諱陽秋

樂天及第後歸觀留別同年云擢第未爲貴拜親方始榮此毛得微而喜之意也論者以春風得意奏決非五郊語其氣格亦不類而白公亦有得意減別恨半酣輕遠程翩翩馬蹄疾春風歸鄉情此又不可曉也黃常明

宗族門

謝師學生女梅聖俞與之詩曰生男衆所喜生女衆所配

生男走四隣生女各張口男大守詩書女大逐鷄狗又

云何時集氏郎堂上拜埽曳蓋戲師厚也陳琳杜甫詩

及楊妃外傳其說異焉琳痛長城之役則曰生男戒勿

舉生女哺用哺杜甫傷閨西之成則曰生女猶是嫁比

鄰生男埋沒隨百草楊妃專寵帝室金印盤綬寵過於

銘劉象服魚軒榮均於秦號當時遂有生女勿悲酸生

男勿喜歡男不封侯女作妃君看女却為門楣之誅而

樂夫長恨歌亦云遂令天下父母心不重生男重生女

今師厚之女敏質儒門不過求賢士以為之配爾終不

至負新如瞿婦餉春如孟光亦豈能預知其必大富貴

元宗榮族如蒲之婦人乎其聖俞以為戲也韻語陽

傳曰學士大夫則知尊祖矣族之所在祖之所自出也其

可以不敬乎陶淵明有贈長沙公詩序云予於長沙公

為族祖同出大司馬昭穆既遠已為路人故其詩云同

源分流人易世疎慨然晤歎念斯厥初禮服遂也歲月

耿徂感彼行路眷焉踟躕蓋深傷之也長沙公於淵明

如此而淵明乃以教載自任其臨別贈言之際有進賢

雖少終左為山之句嗚呼淵明亦可謂賢矣杜子美數

訪從孫濟而不免於防猜故其詩云所來為宗族亦不

為盤餐勿受外嫌猜同姓古所敦觀長沙與濟等祖之

百家詩話總龜後集卷之四

百家詩話總龜後集卷之五

仁愛門

孟子七篇論君與民者居半其餘欲得君蓋以安民也觀

杜陵窮年憂黎元歎息腸內熱胡為將暮年憂世心力

弱宿花石戌云誰能扣君門下令減征賦寄栢學士云

幾時高議排金門各使蒼生有環堵寧令吾廬獨磴

凍死亦足而志在大庇天下寒士其仁心廣大異夫求

穴之螻蟻輩其得孟子所存矣東坡問老杜何如人或

言似司馬遷但能名其詩耳愚謂老杜似孟子蓋其

心也碧溪

常蘇州云身多疾病思田里邑有流亡愧俸錢郡中燕燕

云自慚居處崇未覩茲民瘼余謂君子當切切作此語

彼有一意供租專事土木而視民如讎者得無愧此詩

乎同上

賈生終童欲輕事征伐大抵少年躁銳使經歷老成當不

如此昔人欲沉孫武於五湖斬白起於長平誠有謂哉

嘗愛老杜云慎勿吞青海無勞問越裳大君先息戰掃

馬華山陽又有安得壯士挽天河淨洗甲兵長不用安

得務農息戰聞普天無吏橫索賦願戒兵猶火恩加四

海深不眠憂戰伐無力正乾坤其愁歎憂感蓋以人主

生靈為念孟子以善言陣戰為大罪我戰必克為民賊

仁人之心易也皆然曹鼎明

臨川云黃雀百頭顧長行萬里餘因君今出宇暫得免苞
苴使能行此言則虐生類以飽口腹刻疲民以肥權勢
者寡矣其詩才二十十字耳崇仁愛抑奔競皆具焉何以
多為

杜云築場於穴蟻拾穗許村重人謂有仁愛民物意臨川
詠促織云只向貧家促織村幾家能有一鉤絲惡謂世
之嚴督征賦不恤疲瘵之有無者雖魁然其形實微虫
智爾若溪

元結刺道州承兵賊之後徵率頗重民不堪命作春陵行
其末云何人來國風吾欲獻此詩以傳考之結以人困
甚不忍加賦嘗奏免稅租及和市雜物十三萬緡又奏
免租庸十餘萬緡因之流亡盡歸乃知賢者所存不特
空言而已丹陽集

范文正淮上遇風云一棹危於葉旁觀欲損神他年任平
地無忽險中人雖弄翰戲語卒然而作險濟加澤之心
未嘗忘也黃常明

元道州春陵行云所願見王官撫養以惠慈奈何重驅逐
不使存活為逋緩達詔令蒙責顧所宜亦云守官貴守
道不要能適時賊退示官吏云使臣將王命豈不如賊
焉令被微歛者迫之如火煎誰知紀人命以作時世賢
子美志之曰令盜賊未息知民疾苦得結輩十數人為
邦伯萬姓氣吐天下火安立可待已余謂漫叟所以能

然者先民後已輕官爵重人命故也觀其石魚詩云金
魚吾不須軒冕吾不愛此所以能不徇權勢而專務愛
民也杜乃知正人意不苟飛長纓可謂相知深矣同上

友義門

蘇武李陵在武帝時同為侍中金蘭之義素篤武拘於匈
奴明年而陵始降雖逆順之勢殊悲憤之情異然朋友
之誼此心常烟炯也觀陵海上勸武使降之言非不切
至而武之所以告陵者不過明吾忠義之心而已而未
嘗一語及陵之叛若告衛律者則不然盡辭詬訾歸之
於不忠不臣之科而此以鄭義臨之幾使惡死此亦可
以見於陵厚矣後武得歸陵置酒賀武曰今足還歸揚
名於匈奴功顯於漢室雖古竹帛所載丹青所畫何以
過子卿故李太白蘇武詩云渴飲月窟水飢飡天上雪
東還沙塞遠北徙滄河梁別泣把李陵衣相淚成血蓋
亦是意語爾韵語陽秋

石林詩話元豐間東坡繫獄神宗本無意罪之時相因
舉軾檜詩根到九泉無曲處歲寒惟有蟄龍知且云龍
飛在天軌以為不知已而求知地下之蟄龍非不臣何
得章子厚僇而解之遂薄其罪而王定國見聞錄云東坡
在黃州時上欲復用王禹玉以歲寒惟有蟄龍知激怒
上意章子厚力解遂釋子觀東坡自獄中出與章子厚
書云某所以得罪其過惡未易一二數平時惟子厚與

子由極口見戒及後甚苦其強狼自不以爲然又云異時相識但過相稱譽以成吾過一旦有患難無復相哀惜唯子厚平君遺我以藥石及困急又有以救卹之真與世異矣則知坡繫獄時子厚救解之力爲多石林詩話不妄也 陽秋

東坡歸陽羨時流離顛蹶之餘絕祿已數年受梁言老十綃石絲之儘可見非有餘者李憲仲之子薦以四喪未舉而見公則盡以贈之且贈以詩曰推衣贈孝子一溉滋湯草誰能脫左驂大事不可緩章孝默三喪未葬亦求於公公亦以助之有不辭毛粟施行自丘山積之句其高蓋出於天資矣 同上

幼敏門

西清詩話云魯直少警悟八歲能作詩送人赴舉云送君歸去明主前若問舊時黃庭堅調在人間今八年此以非髫稚語矣

桐江詩話云山谷七歲作牧童詩云騎牛遠遠過前村吹笛風斜隔籬聞多少長安名利客機閑用盡不如君林傑幼而聰惠言發成文監臺嶺脂音清扣玉六聚群書又妙于手談當時名公多與之交及有是子益大其門蘇使崔侍郎手與之遷職詞云家藏萬卷學富三冬傑五歲父因單行 云後紫詞賦頗振聲尤有仙客入壺中賦云仙客以變化隨道遙放情處於外則一壺斯在

入其中則萬象皆呈飛閣重樓不是人間之狀奇蒼異木無非物外之名至九歲謁大夫盧員常侍黎垣無不嘉獎尋就廣薦日在譚筵侍御李遠支使趙格深所知仰不捨斯須和趙支使詠荔枝尤佳云金盤摘下排朱顆紅壳開時飲玉漿副使鄭立奇童傳制使劉潼序以貽之 閩川名士傳

王元之年七八歲已能文畢文簡公爲郡從事始知之問其家以磨麵爲生因今作磨詩元之不思以對但存心裏正無愁眼下遲若人輕着力便是轉身時文簡大奇之嘗於子弟中講學一日太守席上出詩句鸚鵡能言爭似鳳坐客皆未有對文簡偶之屏間元之書其下蜘蛛雖巧不如蚕文簡歎息曰經綸之才也遂加以衣冠呼爲小友至文簡入相元之已掌書命矣 聞見錄後

志氣門

蔡寬天詩話云太白之從末王璘世頗疑之唐書載其事甚畧亦不爲明辨其是否獨其詩自序云夜半水軍來潯陽滿旌旗空名適自誤迫脅上樓船從賜五百金弃之若浮烟辭官不受賞翻請夜郎天然太白豈從人爲亂者哉蓋其學本出從橫以氣俠自任當中原擾攘時欲藉之以立奇功耳故其述歌有但用東山謝安石爲君談笑靜胡沙之句至其卒章乃云南風一掃胡塵靜西入長安到日邊亦可見其志矣大抵才高意廣如孔